

古今事物考

關中叢書

古今事物考

邵力子署

重刻古今事物考序

文以載道亦以紀事凡書籍之設原期有益於世也整屋舊附周京漢唐號稱名邑宜乎文獻繁盛可與海內名邦大都並駕齊驅乃因明季之變一切著作盡燬於兵至今不能無殘缺之憾予欲廣爲搜羅以復其盛故每於延見士夫之下詳加採訪既得李處士顥二曲集趙孝廉涵石墨鐫華二書一談性命一論典故均有裨於後學因廣爲流布又得王兩曲先生古今事物考一書其書上自天文地理之大下及昆蟲草木之細以至人生日用宮室飲食之繁無不畢備較他書甚爲簡括洵盛集也今夫道在天

地之間原散見於事物事有所由始物有其本原果於事物之理知明處當其于道也庶幾矣此書一事一物莫不窮原溯始考核精詳謂之談性命也可卽謂之論典故也可可雖爲紀事實卽載道洵學者之所宜有而不可少者也因詢訪於其族孫王卦王宣猷而於嫡孫王生學詩處得其舊板惜經兵燹之後亡失過半卽其所存者亦多朽蛀不堪復識予乃依所得舊本捐貲剞劂俾與二曲集石墨鐫華二書流布藝林同爲後學之一助云兩曲盤屋人諱三聘字夢莘登嘉靖乙未進士累官至四川僉事性剛毅所至有政聲著有五經集錄小學集註性理字訓字學

大全子史節錄禹貢註解諸書詢諸後裔而云雕板盡缺
予欲搜覓舊本並行補刻行世未識得如所願否也因并
及之

乾隆十四年歲次己巳仲秋月中浣文林郎知陝西西安
府蓋屋縣事加一級後學鄒儒企嶧氏謹書

一、考其書之 考其書之
 二、考其書之 考其書之
 三、考其書之 考其書之
 四、考其書之 考其書之
 五、考其書之 考其書之
 六、考其書之 考其書之
 七、考其書之 考其書之
 八、考其書之 考其書之
 九、考其書之 考其書之
 十、考其書之 考其書之

刻事物考序

既就仕有耽詩書好文字或者謂非政宜也然余有說焉
貴人得意有所變遷則於此或厭之而日纏文案簿書填
綏則又厭此甚也亦何其俗煩若是者內江何君之來蒞
吾邑也謙虛仁厚常自抑損率廉與信有可以安利於人
者行之堅勇不俟終日而事已就故清寧平夷遇諸文士
談理道講製作所弗厭倦宜也旣以縣志延兩曲王氏成
之取焉因探其平日著作而王氏應之曰他無有也自謝
交遊嘗讀古經史中或見一物一事考出處始末輒手記
之亦有事矣抵此爲玩心目辭歲月他不敢苟有論說也

何君又閱之取焉命就諸梓更囑以序所注因嘆夫作者之志凡以明道也道寓於物物見於事本諸一身而達之天下皆是也日用飲食之而不知卽淺近者蔽矣矧天地陰陽禮樂之度數昆蟲草木之蕃息諸凡深遠而不可易解者耶雖今之學仕進者不由此道若欲爲古之賢人君子則未有不通此而能卒其業成其名也夫惟其事物之紛紜畔散不屬而學之日見荒蕪轉困勞甚故孔門師弟子以格致之說爲大學要領務張而明之與有門戶可從入也王氏宗孔氏并諸儒書但開卷必旁引廣搜尋名取義凡有關涉窮宇宙間無細大咸能辨之卒成篇釋誠博

物君子也斯其不尙詞華不專章句而要皆明道以有補
後學多矣然非何君性能而好之則奚暇收以錄焉借琴
書以益思興懷類非今之長人者之志誠知言樂道者哉
何君名進士諱起鳴號來山余亦並列篇端以自託諸不
腐云

嘉靖癸亥年孟秋朔日尋樂山人趙忻著

[illegible]

附錄本傳

王先生名三聘字夢莘別號兩曲盤屋城中人也天資剛毅明爽十齡去父承辛太孺人訓爲學惟求大義不事章句之末督學敖公異之批其卷曰氣朝霄漢嘉靖辛卯登虎榜第二名乙未題龍榜乞歸省書曰伸之則忠有餘日屈之則孝不及時蓋迫于不容已矣丁酉直指戴公上太孺人節孝奉旨建坊翰林檢討元正王公爲之傳載通志戊戌授大理評事讞獄明允己亥覃恩封贈父母癸卯擢河南僉事兼理屯驛剔影射省接應克稱厥職甲辰丁母憂哀毀骨立服闋補四川僉事世廟以先生有文武才諭

曰西南荒徼民蠻雜處卿寬嚴相濟恩威互施罔剛愎自用罔因循姑息事無論大小卿斟酌而行勿替朕命欽哉欽哉謹之慎之此勅會蠻猖獗先生區畫安撫而同寮者心害其能讒先生以怯遂浩然東歸清風兩袖囊無一物然持身孝親愛民忠君之志究未忘也林下三紀不輕謁有司買田一所左立宗祠以奉先靈思親不置右立義學以啓後進惟問真才前爲荷池而荷有並頭萬曆癸酉猶子櫝從孫正己同捷秋闈並官邑令人謂瑞蓮不虛後爲義田以周宗族鰥寡孤獨皆受其恩邑有賠賦入千兩先生痛切于懷兩詣闕陳書爲民除害陽化鋪渠原無故道

潦則散溢妄行蕩民田舍先生決排注渭水患以去邑侯
有疑難必就先生而咨謀焉先生念民苦必向邑侯而痛
陳焉不染習俗不邇財色光明磊落表裏如一自幼至老
始終不二邑尊沁水李侯春芳內江何侯起鳴馬侯魯卿
皆進士名宦登堂請教何侯仕至貴州撫院工部尙書猶
遣人致意先生疾革遺屬曰文勿雕組行勿浮澆惟明大
義以求有用是實學也是本領也旣沒博興顧侯連璧統
寮屬弔哭盡哀令闔署人役悉奔喪頂孝公堂不禁三日
內弔客數千哭聲盈野先生平日著述有整厓縣志字學
大全事物考終南仙境志古今類言策髓小學注解性理

字訓主意子史筆錄諸書行世子旃孝廉胞姪旂新野主

簿

此傳係先生八世孫作新求邑人徐九徵所作九徵字斯未號野史

卷之四
子史筆錄諸書行世子旃孝廉胞姪旂新野主
簿此傳係先生八世孫作新求邑人徐九徵所作九徵字斯未號野史

王三聘曰余生僻壤困舉業無他書讀嘉靖戊戌寓南
棘得事物紀原一編喜該博遂不置焉詳繹之多載宋
制亦間有怪者雖逸名氏逆宋人手爾然世有損益子
不語怪法可略也率由聖朝典章而日有聞見乃續錄
之貯書篋中備徵事者未敢云輯也邑侯何公仕優好
雅兼而收之遂名曰事物考凡八卷

卷一

天文

地理

時令

人事

婚禮

喪禮

卷二

公式

文事

藝術

卷三

國制

官典

國用

國瑞

珍寶

卷四

鑾駕

爵祿

官職

卷五

禮儀

樂器

學科

卷六

冠服

武備

卷七

宮室

器用

飲食

卷八

名義

法律

道釋

貢生姪王樞

生員壻楊谷

監生姪王旂

舉人姪王櫨全校正